

序一

蓋聞地理一科所以培養國民愛國之心者也兒童
生長家庭未受師友之薰陶未歷山川之險阻而能
知世界之大者舍地理其奚由地理內容若國耻若
形勢若風俗若實業無一不備即無一不足以啟其
智識而鄉土者則又為地理學之基礎尤足以增兒
童之興味能使兒童推愛鄉之心以愛國然地理範
圍甚大欲盡知其詳雖竭畢生之力不能夫登高自
卑行遠自邇故欲知世界之地理不能不先求之本
國欲知本國之地理不能不先求之不邑此鄉土志

序

所以重而為求地理知識之權輿也晚近學生專以
六洲五洋之概況為口頭禪門面語若叩以鄉土事
蹟則瞠目無以對嗟乎捨本逐末忽近圖遠以此而
言求學吾未見其有濟也余鄉地居僻陋教育不興
凡為兒童者鄉土固不知遑論世界余竊恨焉今夏
暑假返里校中列鄉土志為宿題之一正藩不敏謹
於溽暑之暇考諸邑乘兼聞諸長老之言彙集成篇
以供校中諸君之研究惟匆促作成荒謬必多大雅
君子倘有樂觀厥成而錫之教誨者則幸甚矣是為
序

序二

本校徵集鄉土志暑假歸屬筆匝月而稿成率爾操觚鄙猥無足觀深自疚也或有詰之者曰區區一志閱月始成何迂緩若是余唯唯而已夫拼茶彈丸地按已過之事實將來之希望以及現在之教育農產工商等皆在幼稚時期而謏陋如予冀欲為之編述益之則不能錄之則太簡在在躊躇安得不迂且緩乎竊謂吾蘇六十縣有鄉土志編述之價值可為地方生色者江南則金陵鎮江蘇州上海江北則徐州揚州通州餘則具體而已雖多奚益矧拼茶特東台

序

之一區東台特揚州之一屬不述東台而述拼茶抑其次矣顧吾聞之愛國者恒基於愛鄉鄉雖僻陋苟生斯食斯老死於斯則親愛之心有不期然而生欲懇置之必不可得矣然則斯志之作自不容已而遲久始成者恨私心有所未盡耳第願覽吾志者不以金陵徐州之目光視拼茶又不以拼茶之目光視是志可矣何也由前之蔽而不足稱由後之蔽將以拼茶之地理一盡於此二者胥無當也倘以拼茶兒童之目光視之轉覺爛熳之拼茶可親可愛不覺作者之鄙猥矣吾拊小學之初授地理者其亦以此先之

可也

序

序三

耕茶江蘇濱海一小市集也南北約袤三十里東西約廣五十二里在清舊屬泰州乾隆中析泰州地為東台縣耕茶屬焉據楊大經中十場志作耕茶今則作耕不知所自始也人民本儂野以農及煎鹽為生近則異於昔矣風俗不盡善以嚴格論直無善可言舊以為淳良者大抵固陋不識文化之真義其審昧可哂可歎而變更極不易則以教育之力不能與環境相抵故也吾言耕茶之風俗吾心滋愧矣

東台縣拼茶市鄉土志

張正藩著

第一章 始論篇

第一節 名稱及沿革

拼茶古稱南沙本隸泰州清乾隆朝始割水利同知所轄之東台升為縣場有鹽課司後改大使專理鹽務間及民事刑事屬知縣治理近則與角斜合併場長直隸鹽運司

第二節 位置及境域

本市在東台縣城東南距縣治約百六十餘里沿海

斜

十場最大之場也

河琛梁琛安豐富安角斜拼茶丁

興在鹽城境

東西最廣處約六十里南北最廣處約四十

五里東界豐利市南界岔河市雙甸鄉西南界丁堰鄉西界李堡市西北界富安市北臨海距海最近約十餘里故本境人民得因天然之地勢享有魚鹽之利又本境街市及各學校公所適在本境之中市外分東西南北四鄉鄉各若干村莊東鄉有周家莊張家莊繆家莊等西鄉有安航港游陵花園頭黃魚橋唐家港等南鄉有風車頭符家淺北蔡家樓南蔡家樓叢家莊等北鄉有蔡家莊姜家埭姚家埭等

第二章 天然篇

第一節 山川

本境無山川全境瀕海係沖積地數百年前之沙灘耳居是土者不識山岳為何物彌望平原田疇交錯而溝渠縱橫夏秋水滿足敷灌溉然河身甚高水稍大則溢小則涸故有水旱之災本境河之大者有串場河由西市行經十里橋南折而至丁堰鄉直西行經灘河口堡河口而至力乏橋由力乏橋直北行經富安安豐梁埭而抵縣治由力乏橋南行經柴灣而至如皋由本市南行至古塏由古塏南行經岔河馬塘石港等市而至南通由古塏東行經豐利至握港每歲秋水泛溢串場河水則由東廟港經涵洞出洋口而入於海

第二節 氣候

本境地曠土平接近海岸不似大陸氣候之燥熱又無高山屏蔽海洋水氣陰濕如印度夏鮮酷暑冬無嚴寒故四季溫和每年平均溫度約在六十度以上與蘇常等地相似雨有恒量夏秋為多雨季農家有春寒多雨夏寒井乾之謠四五月間多陰雨謂之黃梅雨云風有定向夏多東南風西北風則雨冬多西

北風亦不常雪多時三四次耳

第三節 物產一

物產以魚鹽為最著鹽質潔白顆粒微細味極鮮美每年運銷於淮揚為出口惟一之大宗本市每斤十二兩價二十餘文若鹽商購買則不足十文耳魚分海產河產兩種海產極多種類尤夥隣境如舉豐利等地咸仰給焉而蝦米蝦子蚌乾及風乾河豚烏賊黃花等魚每年運售於上海者數亦不貲家畜有牛羊犬豕雞鴨等

第四節 物產二

本境土質肥沃田疇相望農產物五穀俱備一歲兩熟春季產麥秋季產稻及玉蜀黍等麥有大麥小麥元麥喬麥等稻有秈稻糯稻梗稻等又有豆類其中以米麥產額最多玉蜀黍次之本境一年所產之米麥足供一年之食餘則運售隣近各地他如果蔬瓜芋等亦頗著名

第三章 人為篇

第一節 實業

農業 本市北境土質鹹瘠五穀不甚暢茂至於東西南三境草長如茵麥秀成浪濃陰沈

綠天地皆青本市賴之為利藪焉

工業一 本地工業墨守成法傢具農器等物因陋就簡均人工製造利用機械者頗少自造者尋常之工器竹器草器餘則賴縣外製造品

工業二 工藝無足稱業是者甚鮮皆農人兼任之木工泥工極多編筐結屨者間有之女工之紡織不甚精美現今女工所結之洋線網尚能自出心裁大有可觀運售於上海者數亦不貲陶器僅能造磚瓦而已

四

商業 輸入品為綢布紙糖茶漆皮貨瓷器藥材等輸出品以鹽為大宗稻麥豆餅次之枰地商品多來自通如往歲三成資本進十成貨物近則資本缺乏貨物不能多進加以富厚者不貸歛於人故挪移無術商况日益衰落又有客商業茶炭鍋蓆烟葉雜貨等然皆無足觀

第二節 教育

枰茶之有學校始於清光緒丙午年秋初祇初高兩等一併附設師範傳習所及蠶桑傳習所一次畢業

後即停止權以養成小學教師及實業上之人才耳
繼乃注意初小之推廣而本市之各姓族學亦相繼
成立如蔡氏繆氏徐氏蔡氏女子兩等蔡氏幼志兩
等承志兩等皆以一人一姓之財力而創立者也又
有貧民小學則係葉曉竺先生私立為寒苦子弟計
但財力不足故規模簡陋耳四街有四區等初則為
市立今全市有高等小學一所初等十三校他如蔡
氏女子高等小學幼志高等小學承志高等皆相繼
停辦現自治經費約七千元教育費共六千九百元
市鄉任四千八百元占十成之七有學生四百名占
學齡兒童總數百分之十六但各校地址多在市面
不便於遠來者故各校學級未能增多則造就未宏
去普及教育尚遠也

第三節 公共建築物

公共建築物有市公所學校廟宇育嬰堂積穀倉等
共十餘處廟之大者有龍王廟寺之大者為壽聖寺
皆紅牆碧瓦規模宏敞市有集會選舉之事皆借是
寺西區小學在寺之東偏寺前有石橋寬二丈許高
倍之工程浩大市公所為妙香菴地巡警局為昔之
保甲局所改育嬰堂與市公所相毗連高等小學校

在中市官房巷內本市雖有各機關及學校然博物院圖書館公園等有關風化者皆付闕如殊堪浩歎也

第四節 古蹟

古蹟一 壽聖寺內有銀杏樹二株大可六七圍盤根錯節三四百年前物也

古蹟二 清高宗朝鄉先生徐賡雅不得志於禮部退而著述有樓名一柱先生著書處也今為高等小學校內之藏書樓

古蹟三 栢市北六里有范公堤宋范文正公守揚

六

州始築海堤名捍海堰北接鹽城南入如皋在栢茶一段自黃沙洋洋口起西北至角斜止長五千六十丈後人德之呼為范公堤

古蹟四 范堤南三里有嵇堤形如半壁屏障栢茶北境蓋栢茶去海甚近海潮甚激僅有范堤猶難捍禦因築夾堤為防起自場東北小洋口至西北角斜界止長五千三百五十七丈清雍正十二年嵇公曾筠所築

第五節 風俗

風俗一 吾枘在未通海以前民俗樸實頗有古風
男勤耕種女勤紡織布衣麥食晏如也至
今父老猶稱道弗衰今則踵事增華日就
澆薄每年迎神賽會必四五起肉袒焚香
怪端百出無賴之徒得所憑藉抽頭聚賭
種種罪惡一時並起俱可為社會不良之
惡因苟不及時挽救將來之隱憂何堪設
想主鄉政者當亦補救之策乎

風俗二 全市之人尚迷信者十人而九每作一時
輒繳天幸及其無成則又諉之於天大禍

將至不知趨避而曰天數難逃水旱時遇
不咎蓄洩不時而曰天災非人事疾疫之
來則曰死生有命防衛無益業之成敗則
曰命運為之迷信若此尚復何言非謀普
及教育舊習斷難改除也

第六節 交通

枘地僻處海隅與隣地之交通以通如為最密切交
通之道路以串場河為最重要但賴以往來者水止
帆船陸惟土車土舟舟每日行不及百里故旅客艱辛
殆難言喻近已開闢河道以行小輪自掘港而至東

台由是可以與通如連絡一氣惟望此路告成旅客庶可免此艱苦耳郵局開辦在光緒間電信以如皋為起點達於通揚滬寧

第七節 街道及市廛

栢市街道東西長三里南北二里路砌以石街衢寬廣雨不泥濘晴無塵沙市極繁盛屋舍櫛比百貨充集而海產物塞路不啻海市也故往來者非常擁擠且腥羶之氣中人欲嘔近雖設警察而魚業販賣場尚未成立誠有礙於公共衛生也

第四章 結論篇

第一節 對於本鄉土之希望一

本境五穀豐登又享有海產之厚利海產僅有鮮售及風乾兩種若稍知新法水製罐頭諸品可為出口大宗則其利何可限量耶

第二節 對於本鄉土之希望二

吾栢之教育為東台各市鄉之冠而實業市廛稍具模範雛形故稱為模範市云然教育實業較之通如則弗及較之蘇常更弗及教育實業日新月異僅以現況為滿足寧非大愚今吾栢教育之設施果合於教育之原理與否實業是否發達是尚有待於研究

者也冀將來普及教育振興實業則模範市之名庶不虛也膺斯任者舍吾等其誰與歸

第三節 對於本鄉土之感觸一

自政治改革後城市鄉有董議會之設而選舉之運動熱有各市巡警區之設而詐取於民者日甚以區員皆由賄來不朘削吾民之脂膏不足以取償也今由董議會而代以助理員矣又有各市保衛團團總之設則更肆其武斷之手段而罰款累累有以纖細之故罰款至數十元百元不等者噫小民之資財有限豈堪受此煩重之賦稅及各機關之敲吸乎吾編

九

鄉土志不禁憂從中來擲筆而歎也

第四節 對於本鄉土之感觸二

吾枌海濱一市集耳代有潮患民不安居自范堤成而枌人高枕矣明嘉靖三十四年間迭經倭寇焚掠殘殺雖雞犬不得寧息聞之父老云市西至西石橋商市櫛比自被燬於倭迄今二百年間町畦在望舊觀未復遑論進步今欲求民生之寬裕則振興實業為第一著此義人人能知之獨乏提倡之人耳吾謂枌地之魚鹽若設法改良未始非天然之利源可立躋吾枌於富庶繁盛之域也

東台縣梓茶市鄉土志

東台繆文功敏之著

一飲食

食品以農產物為正品若稻有私有稷有糯三種食
私米者為多年老及富者食稷米質較私為軟而可
口至糯米則作糕糰用非日食所必需也次於稻者
為麥麥有元麥大麥小麥三種小麥則磨為粉俗名
小麥屑又名乾麩以之作點心作麩作餅市居者多
食米村居者多食麥只有蕎麥夏種秋收在食品中
為下品貧民以之充飢耳稻麥外有玉米

即玉蜀黍分黃

十

白二種村人通常食黃玉米磨為糲和米或不和米
煮食之貧苦者之常食也村兒當新稻登場時每豔
稱吃米飯以為快言米飯之難得也此外又有豆若
蠶豆豌豆黃豆赤豆菜豆蠶豆豌豆菜豆多為製索
粉品黃豆用處最多可製豆腐製醬可榨油油可點
燈可供食其粃可為肥田之用料又有豇豆菘豆皆
以作菜佐飯也

佐食之具曰小菜簡名之曰菜有取諸農圃者若青
菜韭菜蘿蔔茼蒿及瓜竈之屬有取諸家畜若雞若
鴨若猪若羊楨人罕食牛謂牛以供耕不忍食之也

羊肉僅於秋冬間有售於市春夏無有也畜豬為農人副作物售於屠者宰而鬻於市農人食肉不常栽秧僱工或節日始從市買肉佃田者送穀至田主家每年約有兩次酒肉之餉餘時罕知此味矣商店以陰曆每月初二十六兩日食肉商而兼工者名為犒期餘如節期亦有酒肉大概以四大拼盤或八簋為率至於富厚者以膏粱為常而市井浮游之徒幾無日不在腥膻中朝坐茶館食肉包及麪晚坐酒館或買熬剝肉食之侈矣菜有取諸漁獵者以海產為最富蟹蛤之屬盈於街巷途為之塞魚之稱上品者如

黃魚鮫魚馬膏魚張鱉魚梅首魚鱉魚皆鮮美鱈魚極大取其皮為珍品稱魚皮魚翅馬貝殼類以鱉為最美蛤蜊次之蟬嫩又次之若白蝦紅蝦鮮食外鮓之為蝦米夏日取其子艷紅異常實佳味也海產外如河港溝池中鯽魚最多鯉魚鯢魚鱧魚及蝦龍蝦等類亦不少人日携筐購于市市之經售者為魚行

食品中有嗜好名一茶拼茶野茶出草田中一年生植物也俗名六安茶採食者祇野人耳市中茶葉店乃宜興安徽浙江姜堰產居人飲茶用雨水雨水以

竹或鉛板為過雷承簷而注於缸缸少則所貯無多
久旱則無此水矣河水鹹井水淡煮飯粥用井水烹
茶則以雨水為佳以味淡也冬日或取冰溶而烹之
味亦清冽可口二酒本地槽坊釀酒用大麥元麥玉
蜀黍蘆擦罕有用稻者酒之未和水者名元泡次則
花酒亦名燒酒又有原漿陳酒等名又名色酒大抵
以每酒一斤和水亦一斤外來之酒則有高糧嗜酒
者醉或怒仆罵於路側不以為苦市中有售零酒者
名盤兜酒飲者就其售處沽而飲之其狀極可笑而
不以為怪也三烟有旱烟水菸水菸中有福建之蜜

絲蘭州之青條幾於人盡吸之吸旱烟者用竹為管
婦女纏足枯坐日吸旱烟可一兩餘識者以為可笑
近日自命文明者嗜^吸之^紙少捲烟雖費不惜矣最可痛
者鴉片耳老者嗜之少者亦嗜之無識者嗜之自號
為能人或自他國游學歸來者亦嗜之如命其癮大
者日吸需銀四五元至十餘元破家蕩產不堪言狀
雖法令禁吸禁售而吸者自吸售者且日多近且售
嗎啡矣浩劫陷人雖痛哭以止之不可也
食品中又有間食品一茶食店之出售糖食中有麻
糕一種為長者贈與兒童之物取登高也二糖担有

糖圓作糖類多兒童之食物三果品有花生瓜子梨棗橘類本地無出品皆販自他處也

食之時間普通人日食三次晨粥午飯晚粥市居者晨多食燒餅麩肉色糕麻團之類長夏時市居之富者午後有晚茶亦從市購資食品也農人耕作時日食五次窮冬早春貧農日食一粥挑野菜掘茆草根雜食之吁可憫矣

燕客者有中飯晚飯中飯則云已刻晚飯則云酉刻書於請帖甚昭昭也而中飯非至_日晚飯非至_日向_日向_日更客皆不到食亦未備一席之饌如有核較多貴時

約在兩三小時蓋守時與惜時之習慣均無也飲食有按時節者新曆未有表示依舊曆正月初一食饅首取歲首意也食糕糰取登高及團聚也拜年者飲以紅糖紅棗茶名元寶茶並加吉語曰捧元寶食以桌盒內陳糖食品村農則餉以炒米茶正月十三日上燈食湯圓十八日食麩諺云上燈圓子落燈麩二月二日挑萋蒿之新芽和米粉為餅各家皆招已嫁女來家諺云二月二挑萋兒作餅兒不帶女兒窮鬼兒清明節祀祖先上墳多用蔬菜端午食糴子七月半為中元節食扁食蓋用小麥屑作餅為耳形也八